

# Nahasmena Donostiako Entzutegian

*Intsumisioen kontrako zigorrak bazter batean utzi dituzte hainbat hilabetez, eta orain irizpidea aldatu dute*

Iñaki Petxarroman / Donostia

Irailaz geroztik hainbat hilabete pasatu ditu Donostiako Entzuteigiko Fiskaltzak intsumisioen kontrako zigor eskaerak baztertzen. Alabaina, Espainiako Auzitegi Gorenak egindako irizpide aldaketari jarraiki, joan den martxoaren 25az geroztik, berriaz ere lau urteko inhabilitazio zigorra eskatzen hasi da Entzuteigiko Fiskaltza intsumisioen kontra. Erabakiak kritika gogorak eragin ditu antimilitaristen artean.

GORKA ZABALZA Kakitzat talde antimilitaristako abokatuak susmatzen zuen aldaketaren bat izango zela fiskalaren jarreraren, eta, hain zuzen, haren berri eman zien martxoaren 25ean epaitu behar zituzten intsumisoei. Azkenik, halaxe izan zen: ordu arte akusazioak erretiratzeko aritu zen Entzuteigiko Fiskaltzak jarrera aldatu eta lau urteko kartzela zigorra eskatu zuen gazteen kontra.

Alvaro Marcet abokatuak azaldu duenez, orain arte zigorrak kentzeko erabakia Espainiako Auzitegi Gorenaren erabaki baten ondorio bat izan da. Hark emandako hiru epaitan zioen soldadutza egiteari uko egiten zion pertsona, baldin eta idatziz adierazten bazuen ukazioa, eragozleztat jo behar zela. Hala, pertsona horien kasua Kontzientzi Eragoizpenaren Bulegora bidali behar zen, eta Soldadutza Ordezko Zerbitzua egiteko zerrendan jarri. Horrenbestez, zigor eskaera bertan behera uzten zuen Fiskaltzak.

Donostiako Entzutegiak irailetik erabaki horri jarraitu zion, eta 300 intsumiso baino gehiago zigorrak gabe utzi ditu denbora horretan.

Alabaina, urrian Auzitegi Gorenak aurreko hiru epaiak ezeztatu egin zituen beste epai baten bidez. Hain zuzen ere, irizpide aldaketa horri orain men egin dio Donostiako Entzuteigiko Fiskaltzak.

## Segurtasun eza sortzen du

Alvaro Marcet abokatuak oso gogor kritikatu du jarrera



GARI GARAIALDE

Intsumisioak 10 urte bete zituela ospatzeko Donostiako kaleetan otsailean egindako mobilizazioa.

aldaketa. «Horrek bi ondorio eragiten ditu: batetik, segurtasun juridiko eza, eta, bestetik, Justiziarekiko mesfidantza gazteen artean, eta oro har herritar guztien artean».

Marceten irudiko, «aberrazio juridikoa» izan da, eta gogoratu du Auzitegi Gorenaren hiru epaiak jurisprudentzia sortu beharko luketeela Auzitegi Gorenarentzat berarentzat ere. «2001. urteko azaroaren 31n derrigorrezko soldadutza desagertuko da. Zuzenbidean bada ekonomia prozesala deitzen den kontzeptu bat. Horren arabera, jarrera bat ez da zigortuko jakinik urte batzuk barru ez

dela delitutzat hartuko». Marcetek honako galdera hau bota du: «2001. urtean milaka epai zuzendu beharko dira; txoroarena egiten ari dira inkongruentzia juridiko hori bultzatuz».

Gorka Zabalkak zail ikusten du orain epaitzen hasi diren intsumisioak zigortzea. «Nik espero dut ez zigortzea, bestela oso larria litzateke. Epaiak jurisprudentzia eza gutu behar dute, eta horrelako inkongruentziarik ezin liteke onartu». Gainera, Zabalkak nabarmendu du Auzitegi Gorenak urrian epaiak eman zuenetik martxo-ra arte akusazioak erretiratu dituztela eta orain bat-batean

urrian izandako epai batean oinarritzen ari direla gazteen kontra berriaz inhabilitazioa eskatzeko.

Hala ere, zigorra eskatu zuten lehen epaiak izan zirenetik hilabete pasatu delarik, oraindik ez dute epairik eman.

Iñaki Otamendi Kakitzateko kideak adierazi duenez, epaitegiek aspalditik «nahasmena» sortzen dihardute gai honetan, «gazteen artean espektatiba faltsuak sortuz». Gainera, haren ustez, derrigorrezko soldadutza desagertzen ez den bitartean ziurrenik ez da azken aldia izango horrelakoak gertatzen direna.

EUDIMaren kontrako kereila artxibatzeko eskatu du Donostiako Fiskaltzak

■ DONOSTIAKO Entzuteigiko Fiskaltzak berak eskatu dio Espainiako Ministerio Fiskalari bertan behera uzteko Euskal Herriko Udal Intsumituen Mankomunitatearen kontra jarritako kereila.

Ministerio Fiskalak EUDIMA osatu zuten 17 herritako alkateen kontrako kereila ezarri zuen, «delituak bultzatzeko erakundea izateagatik».

Donostiako Fiskaltzak instrukzioa hasi zuen duela bi urte, eta hainbat alkateri deklarazioa hartu ondoren, auzia artxibatzeko eskatu dio Ministeritz Fiskalari, Gipuzkoako egunkari batek zabaldu duenez. Zigor eskaera bertan behera utzirik, kereila baliorik gabe geratuko da, eta, beraz, prozesua bertan behera geratuko da.

Ministerio Fiskalak EUDIMaren kontrako diligentziak zabaltzeko eskatu zuen, haren helburua baitzen «intsumisioa sustatu eta bultzatzea, eta, hortaz, herritarrek delitu bat egitera bultzatzea». Horrela, Ministerioak zioen EUDIMA delituak sustatzeko helburuz sortutako erakundea dela.

## Asier Zabaleta . INTSUMISIOA .

### «Ziur nago zigortuko gaituztela»

ASIER ZABALETA Astigarraigako intsumiso bat da. Joan den martxoaren 25ean epaitu zuten, eta lau urteko inhabilitazio eskaera egin zuen fiskalak. Horrela hainbat hilabete joera puskatu zuen Donostiako Probintzi Entzutegiak.

■ **Zuek espero al zenuten zigorra eskatuko zutela berriaz ere?**

Beno, egun batzuk lehenago bildu ginen abokatuak

rekin, eta esan zigun bazitekeela berriaz ere zigorra eskatzen hasia gure epaitetaren. Hala ere, bazuen itxaropena absoluzioa emango ote zuten. Hala ere, abisatu zigun ez zegoela oso argi zer gertatuko zen, baina printzipioz guk espero genuen absoluzioa izango genuela.

■ **Baina ez zen horrelakorik gertatu. Nola jaso zenuten erabakia?**

Beno, adarjotzea izan dela iruditzen zait. Orain arte absoluzioa eman dute, eta aste batetik bestera jarrera aldatu dute. Kontu beragatik batzuei zigorra kentzea eta besteei jartzea ez zait bidezko iruditzen. Sentitzen duzu Justizia loteria moduko zerbait dela, ez dela serioa, eta funtsean adarjotzea iruditzen zait egin dutena.

■ **Dena dela, ez dago garbi**

**zer epai emango duten. Zuek espero duzue inhabilitazio zigorra?**

Bai, garbi daukat hala izango dela. Abokatuak esan digu ez dagoela gauza handirik egiterik, eta, beraz, zigorraren zain nago.

■ **Zuri eragingo lizuke une honetan inhabilitazioak?**

Une honetan ez lidake eragozpenik ekarriko inhabilitazioak.